

皇清文穎續編

皇清文頴續編卷三十六

賦

三幽吹簫賦

謹序

儀親王永璇

周禮簫章掌土鼓幽簫以逆暑迎寒祈年祭蜡
其用有三鄭康成三分七月之詩以當之然義
取斷章恐乖於用又詩箋禮注微有牴牾是以
朱子集傳不採其說而於大田良耜等篇冠以
幽號是爲三幽或者謂七月一詩隨事而變其

音節以合於風雅頌朱子有取焉謹按

欽定詩經傳說彙纂載輔氏廣饒氏魯之說皆以音節爲主然後折衷以定於一乃執簡而賦之其

辭曰

伊王業之初肇實首重乎民天咨保介而敦勸協歲序以節宣暑雨祁寒燮陰陽而布化瞻蒲望杏董稼穡而告虔以社以方則謹而勿失一張一弛亦劑而無偏葦簫蕢桴遠溯伊耆之樂清商流徵載賡矇瞍

之篇蓋三幽之義備矣而四時之用異焉若夫日中
星鳥乘震執規宵中星虛乘兌執矩書雲物於靈臺
迎暑寒以土鼓緹管則驗於新律土風則操其舊譜
太和旣播見康衢擊壤之遺正始猶聞非吳市吹簫
之侶自極詠陶之致端如貫珠初無忘戀之音豈同
膠柱其或導以三推戒乎百縣擇元日而明禋及孟
冬而盥薦迓田祖於芳牋祈天宗於廣甸秩祀典之
續紛宣正聲之浩衍東阡南陌宜開廣樂於鈞天田

峻曾孫儼預承筐之嘉讌備廣大清明之象無相奪
倫盡懽忻和樂之情令人忘倦至若殷曰清祀秦曰
嘉平主先嗇而昭報息田夫以勞耕黃衣黃冠從其
色皮弁素服致其誠吹孤竹之管揚樂頌之聲美盛
德之形容洋洋乎盈耳播元音之滌蕩嚶嚶兮移情
四方之記所以謹其禮一日之澤所以樂其生豈惟
樹爪華以戒斂藏與民同利致羅氏而詔客告爲國
持盈云爾哉蓋昔周文公之勤施於上下也本先烈

以陳詩命專官而訓俗六同六律之和起於黃鍾商
祝夏祝之文傳其法曲昭民事之普存惟古人之似
續其授人時也以和召和而不愆其常其修歲事也
有所有報而各得其欲用茲三體播於八音審之可
以知政聽之可以平心卽一詩而天時人事皆備故
迭奏而宜雅宜頌不侵緬聲律兮旣邈悵節奏兮難
尋抑又聞歌詩吹籥其用各殊歌以貴其人聲自不
離乎章句吹止發乎天籟惟互應以喁于彼夫由庚

由儀之什譬諸魯鼓薛鼓之圖苟尋變而入節夫何
軌迹之可摹今

天子綜條理之全建中和之極揮解阜於五絃導休
和於四塞洞簫長笛無取新聲律呂風雲咸歸

帝德太師典樂允宜鼓吹休明小臣矢音相與敷陳
典則

陽禮教讓賦

以觀德成禮民無所爭爲韻

儀親王永璇

涵淳風於往古稽雅化於周官教起於鄉可知王道
之易禮和爲貴必順人情之安蓋禮之屬三千履而
後泰而教之條十二敷乃在寬上下之分既定親遜
之俗可觀卽教讓之有自以陽禮爲肇端原夫禮本
天經讓爲嘉德拜起坐立之節陳其數而可知孝友
睦婣之情動以天而各得驗愛敬於孩提識秉彝之

物則苟斯須不去於身將官骸咸適其職發而皆中
惟此庸德之行彰厥有常是謂斯民之直然而禁惡
於未萌起教於微渺所以厚民之生也在陽時則舒
在陰時則慘所以感民之誠也溯受和受采之初無
本不立導相親和睦之誼無文不行將使禮達而分
定惟在教尊而德成平其血氣心知之性牖以恭儉
莊敬之情雖本天而已具亦致飾而乃亨是以司徒
之立教也本乎民情制之爲禮循天理之節文立人

事之統體自朝宁而授法於鄉閭雖編民而肄業乎
堂陛爰設鄉射以習其威儀卽有鄉飲以作其懽悌
登降有度奉揖讓以周旋進退可觀肅獻酬而踴濟
豈必騶虞之歌九節而秩秩乎序賓序賢亦有介僎
以象三光而雍雍乎爲酒爲醴此王政之權輿卽齊
民之根柢於是鄉士遂士之屬州長黨正之倫月吉
始和布令於先甲邦國都鄙觀象於浹辰俄正鵠之
旣設遂醢笋之具陳志正體直之交持發彼有的觴

酒豆肉之受下治比其鄰所以交鬯於支體而蕩滌
其精神本天地之仁氣在四序而爲春禮減樂盈同
和乃爲同節章志貞教觀我卽以觀民懿夫欲興民
行先正其趨始防淫而節性終決隨而淪膚惟精粗
之一貫合良楮以同途蓋將返其所固有而非強其
所本無耳濡目染之餘其因物有遷者已寡仁漸義
摩之久謂易民而理有誠誣矧夫運際

昌期

聖人當寧正陽德之方亨彰至教而具舉隆禮由禮
不介以孚讓畔讓塗各止其所太和則翔洽無垠聲
教則朔南無阻旣相協於厥居見彝倫之攸敘猶復
申嚴庠序之士丁寧猷猷之氓廸以臣子之鵠示以
幽蟠之程恪其以納於軌物旌別而樹之風聲所以
陰陽和而萬物皆得教化洽而百度惟貞詩曰駸假
無言時靡有爭此之謂也

恭和

御製鬪鹿賦

儀親王永璇

有鹿若逸民過龍沙田父而問曰於鑠哉吾

皇之允文允武也懿時巡以獮田兮率

武烈而由舊閱萬幾之少間兮灑

天藻以立就蓋

覽夫牲牲者求牡而嘯羣跂跂焉游牝而競鬥其結
耦而行也恣寢訛以娛嬉其作氣而前也奮犄角以

用救事擬於爭雄勢儕夫禦寇如是者固山虞之未
及詳而實圖經之未嘗究者也子盍爲我言之田父
曰諾若夫金序初殷乎八月兮秋蒐聿邇乎三田般
乎總總兮將踐於木蘭之圃休乎裔裔兮早駐於

仙苑之顛歷厓厓兮神泉岨岨之控南樓西省也

熱河

古興州本唐奚王西省地又遼之南樓亦在州北境

叢靈淑兮鬱林穹邃之蕃

平仲君遷也其畜則麇麇麇麇麇麇麇麇攸伏礪阿
咸若來前速者超軼躍者廻旋乃或羣或友孳尾而

安焉於是屏玉仗披靈境瞻儻俟之在林兮乘吉驄
而度嶺乍呦鳴而求其友聲兮爰厲響而改其寧靜
豪奪者逞兼并之雄兮覬覦者昧強弱之等急走險
以逐逐兮勢相凌而不相並故其拗怒也氣迅厲以
撼鼓薄其觸門也聲猛獷而激寒颼其甘心於折衝
也何憂乎重耳之伏監其腦其致命於春戈也何慮
乎僞如之軾見夫眉挺角义兮無前之迎去聲憤齧齧
兮無後之隨一俯一仰兮觚隙而動一縱一橫兮兼

弱以欺已跛前而躡後猶中乾而外強惟其懷失儷
之是恥喜得偶之有光故乃枝格撞捩繚綬振突以
蹂躪乎叮嚀之場方且厲飽噬於虎搏逞疾擊於鷹
揚夫何鬻鬻之旣羸而壯往不已也何偃勇紆昔而
陪復張也何酣爽傑黠而柔敵剛也彼鹿之鬥也如
是是其鬬也有由其戕也自作徒爲決得失於么麼
而豈知虞人之不能暫忘也哉二老旣退於是
臣永
璇
跪而稱曰憶往年之從狩幸長哨之稍知獲伊尼

以恭進向穹廬而敬持

去年扈

駕木蘭臣永瑞
於僧機圖圍哨獲一鹿恭進

茲林中之鬥獸愧物象之未窺有機斯應莫適而爲
行遇羆劉之候聿符驚擊之期審化樞之變協驗角
力之差池仰繹

審裁於茂育豈惟旁暨於鹿斯

敬擬

東巡賦

以昭茲來許繩其祖武爲韻

儀親王永璇

維嘉慶之丑歲諏季秋之吉朝

皇帝乃閑天駟命玉輶揚黃纛螭綵條望

橋山之崑崙緬

倂舜與

僥堯肫

孝思而莫遏彌廣途而匪遙爰

躬親展祀

三陵是仰曰

永曰

福曰

昭敬惟

祖

宗之創業也締造

皇宅

天作之基渾渾噩噩與化推移堯山長白厥有星池
隱麟鬱律駢田川湄自闔門而導三江實爲地脈之
鍾奇彼抱杜含鄠飲灃吐鎬又奚侔夫萬一於今茲
哉昔我

聖祖三莅於陪迨我

高宗天馬四徠申苾芬之孝祀謁

珠邱而盡哀覽土風土產之殷賑德洋溢乎澶洄我

皇上念守成之不易沐

先澤之有開以

祖

考之心爲心而繼

扈

聖之初來也於是導以野廬衛以虎旅羽林趨趨或

儔或侶旬師披其圖掌舍記其鼓覈舊制而弗渝訓

無逸之作所

瞻路寢之

衣冠

視

太廟之豆俎又有

清寧拜胙之上儀宜其爲萬福之原而

神乃歆許矣爾其延攬山川之形勢赫圉圉以峻嶒
山則鐵嶺繡嶺之峒嶻水則大凌滄漠之渟澄上平
脊而矗立下無底而冥陵吐吸日月不足爲狀輶

雲霧莫與之升廣衍沃野方罫連塍實爲王氣之所
聚正睹瑤光與玉繩若夫北撫藩部東挾句驪陸
水慄奔走庭墀使犬之族厥服魚皮莫不承筐篚舉
觴卮鞠脰再拜嚙其曼辭咸曰嘉慶

萬壽洵矣侯其我

皇乃御崇政尙裘黼奏金石和鐘鼓列王公而陳百
寮進表章於殿廡

天恩滂洋德音和煦非一日之愉樂懷

列聖之勤苦我滿洲世僕之臣尙其敬思

開國之

太祖於是殿啟大政

錫宴喚咻庭實千品旨酒維醕有世德之歌有喜起

之舞有善撲之隊有詐馬之伍

臣

稽首而颺言究

盛儀之幸觀惡挂一而漏百誠不足以鋪揚

聖人之文武也

關鹿賦

成親王永理

援神經以體物驗金方之瑞獸文斑斑以素綦質皎皎以紺紉蹄四踣而交蹤角雙歧而戴脰狎斑龍於中林散瑤光於崇岫採仙蒲而向溫結遐齡而遊囿稟馴性而無猜紛和聲而相就感清商之激揚始求鹿而肆鬪於時蕭蕭漠野寥寥素旻寒風晝厲白露宵淪上蘭結凍榆塞澄氛貔虎闕其攫搏雕鶚迅其騰翥同摯猛於秋肅變訢閭於春溫矧慶鹿之感氣

別庶類而爲羣邂逅乎林麓衝突乎陵原其始也負
蒼巖兮牝聚倡長哨兮音通恃強梁而挾耦而嬰索
而寡從旣矜多而妬衆又攘敵以興戎其繼也捷蹄
交進挺角相攻剡戈蠶項堅鉞剗胸憤雄心而赴構
鋌猛骨而伐同茂情親於舊侶銳矜昔於新茸則有
莽莽奔驅囂囂震駭或憑怒而無前或蓄忿而有待
或側勢而偏乘或迂途而巧給或驟捷而心憍或小
挫而氣倍傑倬營厲趨趨踞跨轆轤趨趨布濩踴躍

何竭何盈甚矣其情軒峯轅谷撼亂崖嶸翬脩橫縱
震電揮霍鳥誓休巢狸惕屏壑於是摧濯濯折嶽嶽
跂足蹙斑毛剝戰勝者昂藏亡羣者落漠填餘勇而
未休振威稜而復作天地絪縕萬物化醇凡有血氣
皆有爭心慨觸藩之柔毳閱介羽之翰音苟婚媾而
非寇何干戈而日尋徐女美以歸楚夏姬佚以適申
儼烝人而尙鬪孰品物而能任諒同求而異志亦何
惑乎紛紜

聖皇乃建鳳旆鳴龍騶觀畚廣野講武涼秋發軔
北彌節興州睇中原之麋麋聆閭館之呦呦研瑰形
以精繹揚麗藻以冥搜偉休符而肆應綜大化而咸
周

東巡賦

以昭茲來許繩其祖武爲韻

定親王綿恩

吾

皇御宇之十載德周禹甸治洽虞韶賡天祿則才儲
棧樸歌惇敘則慶溢蓼蕭

念熙洽於豐鎬溯鍾靈夫藩遼率

祖攸行

巡方有典乘時舉事

皇朝文獻通考 卷三十一
大孝惟昭昔仰

青宮披翠輦而肅瞻

靈殿茲臨黃道發

綸音而儀式

神堯積孝慕於廿年

陪都在望合歡心於萬國重譯咸朝遂乃

命宗伯以陳禮兮敕天官以下期惟金風之報順兮

正省獲之攸宜建辰旒而張霓旒兮結翠蓋以燦華

芝排闥闥而啟清暉兮出龍塞以望匪屬瞻高山之
天作兮知發祥之在茲爾乃巫閭崩男長白崔嵬混
同磅礴鵬綠灤洄東接松山杏山之麓南臨渤海遼
海之隈鬱鬱葱葱拱

珠邱而孔固麟麟炳炳迎雲罕以偕來於是典循秩
宗儀隆望旅遙答神庥爰薦嘉秬

契元符於嶽峙淵渟肅神明於瓊芳桂醕乃有海外
陪臣藩裔駕侶咸匍伏而得覲

龍顏遂歡迎而快聆

天語橐鞬屬從

乾豫嘉許乃展

六御敬謁

三陵

帝出乎震啟運龍興神榆茂鬱華蓋峻嶒奏格

四祖趨拱萬靈載瞻天柱

太祖式憑木厨戰勝橫甸續疑記十三甲之奮跡鞏

億萬載之不承言諸隆業

太宗永升懿勲肇集鴻號崇稱雄貽石馬儉表葛燈
奠四海之大烈仰

一人之繼繩

孝思維則隆禮孔時乃鳴和鈴乃遵通達乃莅

盛京乃御

金墀皋門應門之舊制崇政大政之宏規證

前謨之煥若凜無逸以居其飛龍左繞翔鳳右垂宗

潢僚屬拜舞追隨載歌行葦歡讌瓊卮紹泰交之開
運膺疇福以凝禧於斯時也愷澤渥周醲膏和煦燕
及

皇天格于

藝祖神人洽暢吏民忭舞

聖上猶穆然於創業之艱難殷然於兆姓之綏撫春
臺熙熙周原膺膺懷柔海疆惟洽藩部蓋法
仁祖三度之隆儀而循

純皇四巡之茂矩是以福備禮成德洋溢恩普遂乃迴
鑾輿整鹵簿瞻雄關屹雉堞登瓊樓覽鼇柱
駕還

神京

澤沛畿輔第羣臣之歌頌昭典常於今古參天兩地
登三咸五固知率職來祭秉聲教於南朔東西抑且
錫類推恩歌廣運於

聖神文武

應

制神樹賦

金德瑛

惟長白之挺秀積千里而蜿蜒瀉珠江之浩淼紛瓊
琪以萃綿是以

天作其宅

帝卜其埏憑眺川巖見龍形之拱抱尊崇

陵寢得美蔭之團欒爰有白榆實生天上矗玉霄以
崢嶸沾沆瀣而久旺移來開運凌虛倒景之奇託質

寶城張幄揚旌之狀爾乃節目間珂根榦輪囷繁柯
星布密葉雲攢遠望而鬱葱呈象近仰而琴麗殊觀
朝映丹霞對若木兮三萬里暮凝湛露越靈椿之八
千年歲紀闕逢

鑾輿莅止湖荒作於岐山實肇基於白水周家豐畢
之原漢室枌榆之祀仙芝鋪列而煜煜神樹中立以
亭亭罩

珠官而煥采聳兜率以敷榮似羽節葳蕤詔鸞鳳使

爲驂駕儼金支容裔想

靈爽於焉式憑用是

天藻爲錫嘉名奚啻配封山而隆桑梓抑將昭萬禩

而冠裳瀛微臣敬賦兼系以詩曰

維茲

靈兆

聖所居

天皇命植天上榆斗司喉舌衆宿趨畢星灑潤箕星

噓富媪受栽析木區端正妥貼色弗渝扶桑娑羅參
兩隅松楸栝柏前後臚護紫薇垣中一株可爲玉輅
運軸樞可爲華蓋披流蘇

列聖陟降心怡愉靈旗閃倏光有無

陵前再遇

舜目矚秋風瑟瑟吹扶疎蒼翠更茂八年初千枝千
霄萬葉舒卜世卜年數其餘推祥肖質垂冊書

寶墨已兼神樹圖

冰嬉賦

前序

錢陳羣

歲赤奮若日行北陸水澤腹堅

天子臨太液池召羽林軍呈藝角材行賚有差

諭曰是冰嬉也是國俗也乃援筆爲賦以記斯典洋

洋千有餘言旣曲盡其致復申之以式舊施惠

而終戒其逾則一訓練之舉以其近於遊觀也

而箴警寓焉穆乎煥乎賦體之極則矣賦旣成

命內廷諸臣各製一篇呈

覽誠不遺營蒯之深思也

臣

才識淺陋抱詹詹於

聖人之門猶擊瓦缶而答黃鍾悚仄屏息而作賦曰
懿夫我

皇之宰世而馭物也因地呈能順時布澤巡方而沙
漠揚威練衆而巧捷奏力歲功旣成迄可休息乃行
健之法天自朝至於日中昃不遑暇食恩必遍逮寓
賞於賁斯受之者不誣而收之者可覈昨者分命諸
王陪以列卿閱射郊外以厲府兵犒以第而施技以

賚而精鑄感激以騰躍披衆志而成城乃稽

國俗爰有冰嬉玉虹之灣太液之池風栗冽兮瑟瑟
波凝滯兮澄澄展積素於蓬島琢千頃之琉璃召期
門欽飛之侶角躡虛軼足之奇衣短後飾以褱取堅
綴牢以韋行分林立如屏如帷咸抱能而欲試受節
制於一麾

天子於是建雲罕移左纛斲方床以當舟設重茵以
爲屋亦纜亦篙不楫不輶輶挺効順以前驅馮夷應

蟄而潛伏瞻五雲之變黷識

六龍之清穆於斯時也獻捷者爭先恐後超羣者汎
駕騰空細屨以鐵其形則刵趁趨僂佻疾若驚鴻少
輒而機以停駭迅往而氣以任恍翔如奮翼輕如御
風彷彿乎帆檣之齊發而舵捩箭激突出乎其中先
登者賞書某某也賞不隣濫格以九也前遮後要孰
蔽其好也瀟灑不進又誰之咎也賞亦及之以作其
赴也夫何隊合伍開變換餘拔樹以兩旂踏以雙齒

執事屏立珠毬中起心注手揮目不他視驪龍之睡
何時夸父之逐徒爾遠之則忽怳近之則遷徙獲雉
者曾不盈於一掬力窮者笑虛張乎十指若抗若墜
似合似離騰騰沓沓盱盱睢睢或先迷而後得或欲
迅而反稽或黏天而不下或及地而更飛瞥依躋而
傍袂羌欲挽而成推任舉趾其防蹶乃長跪而赴之
觀夫燕石燕珍楚弓楚得劃乎分疆而立限犁然引
繩而削墨奮翮者圖南垂翅者返北幟旣拔而奏功

郵方羸而定局

叶

邀一貺以自榮敢云我戰其必克

彼蹋鞠爲軍中之戲拔河博耀武之名繩伎近褻都

盧身輕吞刀吐火競渡胡旋

叶

或詭而異或駭以驚

孰若此之循舊章以鳴豫鼓衆士而化爭也哉賚旣

行懽趨躍六出霏鋪洛澤講武事求民莫八蜡通鬼

神索繫斯典之匪今念先民之有作是故先時不舉

後時不陳戒臨深與履薄

冰嬉賦

謹序

蔣溥

臣聞古之習武備而修軍容者陸有甫田水有
昆明建旄旒闢魚龍揚厲懿爍侈爲盛事已若
乃鼓天地之壯氣作軍校之先聲合川陸之體
勢練步伐之止齊蓋我

朝

列聖重光制典貽則旣垂範於前我

皇上順時而動經文緯武復丕承於後茲乙丑之歲

日南至玉河冰實光耀瀛臺太液寒凝輝生白

塔爰

命翠華備法駕虎賁攸飛材官校尉悉率左右時惟

景從天壘揚雲旗舉踴躍効命便巧輕疾

天顏有怡

聖藻斯麗發揮金石之聲曲盡形容之妙臣慚不文

有

詔其賦擬諸濫音竊比細壤云爾其辭曰

惟我

皇之御極合六位以乘時順天道而行慶賜簡傑士
以表軍儀匪力是角匪野而馳宛在水中連臂而人
衣短後遙從月窟轉波而雪射冰綵時則日行北陸
節屆陽生履而知至堅而成凌初猶壺貯繼若鑑平
與月皆璧無臺不瓊雖有凌人詎必盡藏於室呈其
妙伎因之各奏爾能臨堅投輕固嬉焉而不可爲戲
應變合節在冰也而卽可觀兵若夫肩鯨官蟄龍戶

組練似雪雲英若羽集萬枝於中堅方雷屯而雲布
渙大號於羽林總躡虛而翔步俄軼後而奔前或蛇
行而鵲渡控馭裏以體迅又踟躕而足駐勢將整而
忽欹狀欲顛而不仆何習坎以如夷試蹂躪乎寒沍
爾其或動或止或遐或邇或離或合或彼或此瀉如
川流屹如岳峙鷺同蒼隼閃爍於大貝之庭矯若白
猿騰躍於瓊瑤之苑嬈嬈轉折鳬竦鶴企目不謀心
踵錯於趾寒光萬頃織室之屋瓦搖焉碎影千重海

藏之縉綃裂矣乃若革戲之巧應機而躍一擊再擊
紛紜揮霍滾滾相攢空空善攫九跳烏驚輪飛月落
射於貝闕疑擲電以俱流泛出珠淵與奔星而共燦
若其嚴嚴翼翼濟濟蹌蹌三軍之騰裝並起而戎行
也聲之礚礚磕磕若迸若碎若弩之離若劍之淬也
於時陞戟干樹雲罕九旂

皇上霽顏而嘉賚之文綺以襲朱提以流仁於是至
義於是周逸弗自逸休弗敢休放乎中流擊鼓汰艣

須臾之間雲斂風收馮夷效舞女媧揚謳茲德威之
有耀習龍驤於上游且夫

聖武善述而典制明鴻朗應運而大文醇苞二儀而
毓采固一氣之陶甄魚魚雅雅炳炳麟麟是將配謨
帙典馳禹驟文迺我

皇猶惕履於薄戒涉於春勤三時之服稽昭耨義乎
冬巡故斯事不同於嬉水而軍政卽寓夫令申遂作

頌曰

三農旣畢樂歲功
灰飛葭管奏黃鍾
凌陰已納寒晶
宮河洲皚皚一望同
累空素練光冲融
旄頭豹尾七萃雄
涉冰講武陳軍容
掣電迸月流長虹
長楊羽獵曷比蹤
有倬雲漢開鴻濛

皇帝敬典義則崇
昭示燕翼揚休風

冰嬉賦

張若靄

客有問於

臣靄

曰日者令司顓頊節週履常詢陵人

之臧合北陸之藏煥晶晶腹堅之澤映杲杲日出之
光雞籌傳鸞輅張雲罕出芝蓋翔玉螭晃素趯臺氣
香七萃整旅千人立牆歷辰迄巳圓

鑾將將天閑納轡幕城撤行士怒未涿馬氣思驤坎
坎傳傳津津洋洋春生於肌邪毘於陽旣懷金而握
縑亦飲醇而拜觴伊何功而被賚兮咸濡夫湛露之

灤灤也

霽

謹作而對曰稽古順時習射角力厲氣之

沮鼓士之腋我

朝冰嬉成憲是式客曰冰嬉之詳可得聞歟

霽

曰刀

爲環兮磷磷旗分九兮秩秩判左右兮魚貫而雁行

爭先後兮鷹揚而隼疾其聲聞也如紮發而櫓旬其

候過也似舟狁而帆立尺寸之地衆心所嫉冀此雙

骭換舒兩翼旣而星毬飛鐵齒具松柏倒懷風烟隨

步但得採驪他復何慕逖觀者神惺悚而虞踣奪幟

者方坦行而無懼鄙東京之緣竿許金明之競渡蓄
久渴之癢技博

九重之一顧

天子於是流眄注眸豫悅紛怡褒號虎以旌武思趨
赴而策疲溫天澤兮逾挾纈冠水軍兮凌塞旗儲壁
壘之良資乃援筆而賦之客曰賦狀若何霸曰欲風

雲歎霜雪珠千琲劍一吹鋪事衍象揣稱侔色又何

煩謗薄之形容誚漏萬而挂一雖然

霸

有意會於冰

嬉之外而知非遊豫可擬議者更爲子申言之自古
聖帝臨馭寰京席蘿圖秉珠繩旣怠荒之是警亦頽
惰之必懲平不肆險安乃志傾是故小物可以喻大
纖類可以稱名蓬飄颻而車作匏漂浮而舟成自我
國家受

命肇興宅九域之神偉瞰八荒之威稜玉帳憑兮招搖
轉金郊臨兮橈槍平極九有之傾葵宜休我之甲兵
然猶以戎剛是振趨武攸舉狩甫苗敷而險易之利

盡矣萊野表貊而我旅之禮序焉集虞人召獠者
敘以旌旗節以鉦鼓今者鬱儀歷箕駿狼駐昨收河
伯使梁津召冰夷而壘澈乃集影纓鳴劍之雄姿突
鬚纓胡之勅怒競過趨按行部同凌波之水軍驚昆
明之戰伍豈遊觀之娛目非流遯而偃矩蓋以詰戎
兵之規制用踵

列祖之遐武也若乃無功而獲賞者士節慝而匪泰
酬能而洽惠者

聖膏及而無偏推是心也將以溥九垓被八埏汎瀛
海之德蓄洗黔黎之煩悃豈與夫爭蹴鞠之跳盪誇
角抵之擣塞飛索上之丸劍衝燕濯之鋒鋸妖蠱逞
技祕舞爭妍徒挾邪而彌態不足以儀後而法前也
哉於是客乃志滿思契飽仁悅義監於太清協平和
吹浸潤皇風作頌而退頌曰

聖志無逸弗狃於寒兮黃屋在沼匪游盤兮鏡瑩璧
台浩漫漫兮集士鼓勇擢彼糾桓兮狎凌如毯競毬

如九兮以此臨壘何陣不嫻兮穆穆

帝心廣遠包涵兮寓險於夷慮危在安兮於萬斯年
奉

宸歡兮

哨鹿賦 謹序

蔣溥

乾隆十有四年七月 臣 扈

蹕行圍木蘭奉

敕撰秋塞大獵賦鋪陳排比猶得旁撫掌故上頌

神武八月旣望哨鹿

天筆成賦復

命擬撰 臣 考史牒有善爲鹿鳴者一呼麇至又北夢

瑣言江陵射鹿者率以淘河鳥脰骨爲管吹作

鹿聲此則哨之所從來然而賦家罕述唐呂溫
有由鹿賦夫以此鹿由彼鹿非哨之比茲伏讀
聖製昭晰物情蘊含經訓探微挾奧垂典敷華藝林
所創見後來之極軌臣弇陋何足與斯敬規撫
勉綴而獻賦曰

原夫爾雅是釋鹿牡麋牝鹿有斑而角歧麋無角而
斑隱行同旅而無猜食相呼而惟謹迨游牝之方時
值殷秋而各蠢時則一鹿常挾數麋以居而他鹿不

得以搜其隅遂此疆而彼界譬瓜疇而芋區于崖于
澗于澤于岨厥木未落厥草未枯當夫興安以南灤
河以北而白露之旣濡皆此或騰或倚者孳尾之所
於其求耦也呦呦以來鳴其私匹也妬聲而出爭彼
肆其奪此捍其傾往往合四山之牡各固我圉而憤
奔一牡之聲是以致鹿者學牡聲而得夫哨之情爾
乃鹿之鳴日出則嬾故哨之者於日未出天蒼蒼風
瑟瑟落落星濛濛月物發性而聲爲高人緣情而聲

爲一然而角外向以防患其宿處且然也則見人形而遽驚將挺走無前也欲招之先使不疑投以機乃伏以機匪特吹木哨以諧其聲抑且戴角冠以象其形蹲宿莽睇修垆溯下風越高陵哨聲遙起羣鹿來麇狎而可玩勢若可憑初審變以紆迴旋屏息而竚辨既壓壘使惡偪亦退舍如避衡芟芟進觸俟俟交膺人乃脫冠而疾叱鹿乃覲面而心忤其轉非圓而立若凝詎知夫神鎗熾火如矢注的人方掩耳不及

而加以雷霆且來則取兮異射宿之繳矰去不追兮
類開網以騫騰允王惟

后謂虞人之智實有合乎聖經秋方中日載吉爰
命哨秉師律飭先驅視虛實夜復然虞它逸一識其
處歸告

宸闕一守其處不移株櫟爰簡徒衆三隊甄別前少
後衆臂信指屈短後之衣荷哨仡仡象首八义堅瑩
玉潔卡倫之霜皎皎行營之燎煌煌

天子御神駿服峭裝紅鎧雙引碧宇四匡台衡羽衛
親切侍旁山靈迓而崎嶇坦金官肅而蒙密昌盤林
澗以綏趾懸星斗以準鎗非按官而彈角甚刻羽以
引商則有足高以速頭側而長如率而舞若趨以蹌
遂格物兮

親莅宏纘武兮偕臧屢得雄兮電擊瞥弭節兮烏翔
至理夙研

鴻文誕作於鑠哉蓋復邁古未有而開闢以稟酌

臣

今乃知夫哨鹿矣誠有如

聖謨所彰五德之咸備而充擴則又豈虞人之智所得而量度哉且也晨哨則谷烟輕霏夕哨則嵐照淡暉明月燭兮翠微瑤光星兮相睎於茲悅心於理義則有曩智所未幾夫講武之功而

聖性以涵蓋惟盡物之性而後化育贊天地參

哨鹿賦

劉綸

皇帝幸上塞修時畋五戎燁七萃闐三扈表禽二虞
獻豸別有守大羅氏之職者以致鹿告肇綏請前厥
制不罟不阱匪蹏匪筌從其類乎神以茲而全者托
於音矣哨可得而傳焉未之哨也瞰衆歸伺鼓薄測
卉泉闐聚落爲町爲墮旣登場以目營或風或迄爰
逐跡而臆度良有合乎師行之外謀旁偵而豫紓夫
卷甲銜枚之勝畧至夫白藏露塗青女霜鋪啓明東

耿眊影西晡設宵田之燿火殊夜獵之戴鱸時其簡
練比其耦俱太人告占卽鹿何虞於是坂緣九折隊
麗三伍旅屯於郛銳采其阻聯絡聲援若僂若佇若
肱若膂又不翅營陣之六伐七伐五步七步駢坐乎
散伏而蹙部也其貌之則皮其冠也角之芟然首之
斑然奚取乎中黃朱鬣之植髮如竿也其召之則木
斯竅也抑之冒然抗之噉然無需乎洵河烏脰之大
號而小號也當斯之時密利迦羅蹉跎遲遲求牡俟

俟游牝祁祁駮谷聲之相答宛命匹而要之退才于
乎如遺進蹙蹙乎如疑恍同同而睥睨訝異異而詆
謫彼跼然其獸舞紛胡爲乎來思此突如其人立愕
不知夫所爲於焉呼急鎗捫列宿會若連襪解若脫
胄趣後車選徒而舉齒信

天弓不虛夫先穀儻銅脾之可識昨者憶釋網於
帝園或芝草之能銜今也願捧觴爲

慈壽迺復有司衡之佐典澤之儔希光道周爰諮爰

諏進而稱曰蓋聞至人物寓造化神謀故鰭或鱸負
雉或媒求意釣者時忘其魚入羣者不驚其鷗苟有
氣乎斯應豈於林乎是按凡天降與地出寧盡縹以
窮韞方今

聖天子德化醴粹彌洽滋陬庶彙由庚咸和咸柔詎
惟在囿者感姬文而攸伏居山者際重華而與遊也
哉

上乃摛天文敕賡載羅訓典陟雕繡

皇綱帝紘囊括乎園內雖有馬鄭專家鄒枚齊輩隸
事罕習卮言矢概未效江陵射者之吹竊陋畝邱封
人之對莫不据觚緘喙操牘汗背遷延而辭退

哨鹿賦

于敏中

蓋聞哨鹿之爲制也實權輿於索倫匪角力以鬪捷
匪詭遇以掩羣酌劑乎仁義衷度乎屈伸離合盡態
翕闔互根其動也無端其致也不紛占卽鹿之无虞
厥功媿乎至神猗歟

聖祖爰躬爰親我

后是則續茲武功

叶

練吉日撰良辰肅周徽戒虞人

曳羽罕靡雲旗

叶

清道案列天行星陳駢衍陸離迺

莅止乎木蘭木蘭之內沃野千里連山逶迤嵯峨

鬱嶽崕嵒礚礚周表包絡以界乎左右

叶

邈谿舒之中

豁峙儲胥與槍纍豐彼圃草芊緜猗靡帶以羊腸之

河阻以伊遜之水峻者如削平者如砥曲者竊繚曠

者哆侈騁覽矚於巘原渺不知其遠近

叶

是蓋天關

神壤映衍豐美廣倍漢苑樂均靈囿

叶

無俟設以周

陸而足供三田植旂抗綏之所

叶

若此故其地乃可

喜也爾其磅礴鬱積物產斯聚毛羣羽族穴藏谷處

禽經不暇載獸簿不及舉彼伊凡之蕃息更日孳而

歲廣

叶

有麇有鹿有麀有麋判彼麀麀差其麀麀

叶

甞甞跂跂僬僬麀麀七星八岐雙頭一角殊形而詭

狀者蓋不能以更僕數爾迺白藏屆商風引露旣降

木葉隕乳字以時匪靈伊蠢紛其求牡習焉游牝旣

挾偶以兼羣遂分圻而晝吟逞驍健以自衛僬環角

而植吻或寢或訛或馴或踣忌他族之實偏選同類

之相近彼孱弱者逡巡睟眙已望形而化覲而傑雄

據守夫澤中方且睥睨旁睠畜釁猛而餘忿故得因
勢施巧乘間度情攻其無備奪其必爭伊濯濯之與
居信呦呦而善鳴爰制器以象之乃能疾徐進退宛
轉而相迎匪筵而淒匪笛而清脰無取乎淘河管弗
效夫簫聲把官彈角翕焉中音叶是則哨之爲用所
以握勝而操羸也於時清霜慄慄宿烟蒼莽朧影西
流啟明東上巖輶景以晦暖野含曙而矚睥乃

簡徒御屏衛仗星廬拱和門敞七校靜六轡騁叶虬

鏗絕列以雙導羽騎妒兮而特張

叶

前驅後扈或三

或兩枚肅無譁鈴鼓無響驟蹙蹙以相羊於焉望厓
嶺而遄往爰荷長哨被短衣其裘則獮其冠則皮載
以象首出諸簾笥綴毛體之般般聳叉角以鬣鬣擊
彼町疇挂茲蒼翳始螭伏以密伺徐跂張而仰窺既
儲精於閭寂奮先聲以出奇虞原獸之罕至因舉哨
以宣之脣引則響集吻吮則音移噉然而高竊然而
微蘇囉嚦霞如倡斯隨囁嚅紆鬱若拒若追嘹如引

吭嚙如鼓頤懾狡黠於幽遐應友聲而是求

叶

不丁

旁皇睢盱錯愕將前忽却既進復阻魂悚悚以狼狽
心猥猥而猶豫懼羣匹之或失矯長鳴以捍禦恣狼
戾而獷突生猜而觸妬乍凝聽以曲睨旋擢身而
思赴鬱狂迸而陸梁恃角搶與題注狡焉欲鬪警爾
相遇斯時也厭躡深潛屏息矚顧不震不撓不徐不
遽迫心煩而拔懷始竦立以騰湊

叶

倏脫帽以呈形

忽應叱而少住繫喬桀之殊才遂乃脈脈矜矜子脫

瞻眊而不能去於是釋哨具進神鎗規分判測毫芒
心平視審手正機張奮駢聲激流光號號煜煜霆擊
雷轟叶 眨電火之一掣已中鬴而洞腸或小創之蹶

起俄應聲而復僵亦有去如脫兔駭若驚麋或挺而
驚或怯而延或矐霍以焮迅或賊竦以霧藏撇淦躍
而磐辟若負固而不自量準鯨牙之軒轅又無不殪
於廣莫之場至若或騰或倚或羣或友掉而不來逐
之輒走緬讐怖以却步尙倏呻而抗首膽劣目眊足

蹠跡瓜遽聞聲而逋竄莽凌臘而相蹂固縱之而弗
追亦舍旃而弗誘掩不計多獲不厭少叶失也其常
得也其偶斯蓋仁者之事君子所取又何必畢弋彌
谷尉罟蔽藪前遮後幘徼執屬軌他他藉藉乃爲備
物而咸有哉旣而

皇情治恩澤宣弭節乎神臯儲與乎皮軒乃論上射
乃擇左肩登於大庖以炙以燔嘗其旨否進諸

大安割鮮染輪野饗從官升觴既醕羣情悅歡咸與

避席擎拳鞠脰而頌曰允矣

聖人如天之好生

叶

遊非樂乎耽盤義固準夫秋獮

欲左者左欲右者右有馭湯祝網之恩焉舍逆取順

失禽用訓有周文三驅之仁焉信乎美善莫得而形

容徵引無藉乎更端者矣矧

愚臣

之孱陋徒授簡而

拘牽職有忝乎執戟弱不勝夫控弦目未覩秋田之

盛身未習講武之班驟與語夫哨鹿等捫燭而扣槃

竊幸蹈詠

奎藻紬繹

鴻篇庶聾聵之一振聆鐘虞於在縣縱竭揣摩窺測
雍容揄揚曾未能得其涯涘又何足補於邱山也哉